



TAJUK KHUTBAH JUMAAT

Siri: 39 /2024

PETUNJUK RASULULLAH SAW DALAM MENYATUKAN UMMAH

27 September 2024

Bersamaan

23 Rabiulawal 1446

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلّٰهِ الَّذِي أَرْسَلَ رَسُولَهُ بَشِيرًا وَنَذِيرًا، وَهَادِيًّا إِلٰى اللّٰهِ بِإِذْنِهِ وَسِرَاجًا مُنِيرًا.

أَشْهُدُ أَنْ لَا إِلٰهَ إِلَّا اللّٰهُ وَحْدَهُ لَا شَرِيكَ لَهُ، وَأَشْهُدُ أَنَّ مُحَمَّدًا عَبْدُهُ وَرَسُولُهُ.
اللّٰهُمَّ صَلِّ عَلٰى سَيِّدِنَا مُحَمَّدٍ عَبْدِكَ وَرَسُولِكَ النَّبِيِّ الْكَرِيمِ،
وَعَلٰى آلِهِ وَصَاحِبِهِ وَبَارِكْ وَسَلِّمْ تَسْلِيمًا كَثِيرًا.
أَمَّا بَعْدُ، فَيَا عِبَادَ اللّٰهِ، اتَّقُوا اللّٰهَ، أُوصِيُّكُمْ وَنَفْسِي بِتَقْوَى اللّٰهِ وَطَاعَتِهِ،
لَعَلَّكُمْ تُفْلِحُونَ.

Sidang Jumaat yang dirahmati Allah,

Marilah kita meningkatkan ketakwaan kepada Allah SWT dengan melaksanakan segala perintah-Nya, dan juga meninggalkan segala larangan-Nya. Mudah-mudahan kita termasuk dalam kalangan hamba-Nya yang berjaya di dunia dan akhirat.

Pada hari Jumaat yang penuh barakah ini, khatib menyeru para jemaah semua agar dapat memberi tumpuan kepada khutbah yang bertajuk:

"PETUNJUK RASULULLAH SAW DALAM MENYATUKAN UMMAH"

Sidang Jumaat yang berbahagia,

Sesungguhnya perutusan Rasulullah SAW sebagai penghulu dan penutup sekalian nabi dan rasul membawa rahmat kepada seluruh alam. Justeru, Islam yang disampaikan oleh Rasulullah SAW mengandungi mesej keharmonian dalam kehidupan manusia serta menyatukan umat Islam.

Ajaran Islam yang dibawa oleh Baginda sentiasa mengangkat nilai-nilai kesatuan, kebersamaan, keharmonian dan kesejahteraan, serta jauh daripada elemen buruk seperti perbalahan, permusuhan, persengketaan dan perpecahan.

Hadirin sidang Jumaat sekalian,

Ketika Islam masih baru di Mekah, Rasulullah SAW mengatur langkah menyatukan golongan awal yang memeluk Islam. Dakwah disampaikan secara tertutup di rumah seorang sahabat bernama Al-Arqam bin Abi Al-Arqam. Dalam kumpulan yang kecil, Rasulullah SAW mempasakkan tauhid kepada golongan yang baru memeluk Islam sehingga pegangan akidah menjadi kuat. Golongan awal yang menerima dakwah Rasulullah SAW akhirnya menjadi contoh tauladan sebagai seorang Muslim yang baik tatkala dakwah Nabi dibuat secara terang-terangan.

Strategi dakwah Rasulullah SAW ini membuktikan kearifan Baginda bagi mengelak sebarang bentuk persengketaan antara golongan Muslimin dengan golongan kafir dalam usaha awal dakwah. Rasulullah SAW tidak memulakan dakwah dengan berdebat dan berkonfrontasi secara terbuka. Pertentangan secara terbuka akan merencatkan usaha dakwah. Inilah bukti bahawa Islam diturunkan dengan mesej perdamaian bukan pertelingkahan. Oleh itu, Rasulullah SAW berusaha untuk memulakan langkah dakwah dalam keadaan harmoni kerana sememangnya Islam adalah agama yang mengutamakan keharmonian dan kesejahteraan.

Sidang Jumaat yang dirahmati Allah,

Usaha penyatuan yang dilakukan oleh Rasulullah SAW antara kaum Aus dan Khazraj di Madinah menjadi bukti jelas keperihatinan Baginda terhadap keharmonian hidup. Sebelum datangnya Islam, kaum Aus dan Khazraj sering bergaduh dan bermusuhan antara satu sama lain sehingga tanah Yathrib iaitu nama asal Madinah dikuasai oleh golongan Yahudi.

Kedatangan Rasulullah ke Madinah dengan membawa ajaran Islam telah berjaya menamatkan persengketaan antara kaum Aus dengan Khazraj. Disebabkan Islam, mereka akhirnya dapat hidup dengan aman dan damai serta menjadi kuat sehingga golongan Yahudi tidak lagi dapat menguasai Madinah. Sesungguhnya pergaduhan sesama umat Islam hanya akan menguntungkan pihak lain dan hal ini perlu menjadi peringatan buat seluruh umat Islam.

Saudara sidang Jumaat sekalian,

Rasulullah SAW juga telah mempersaudarakan golongan Muhajirin yang berasal dari Mekah, dengan golongan Ansar yang merupakan penduduk asal Madinah. Langkah ini memberi petunjuk jelas tentang kesejahteraan dan keharmonian yang diperjuangkan oleh Islam. Agama Islam mengutamakan nilai-nilai murni dalam kehidupan sesama manusia. Justeru, Islam sangat mengambil berat tentang hubungan sesama manusia yang mesti disuburkan dengan ikatan persaudaraan.

Inilah antara perkara yang menyerlahkan usaha Rasulullah SAW tentang keperluan menyatukan umat Islam. Meskipun golongan Muhajirin dan Ansar tidak mempunyai pertalian darah, malah mereka asalnya tinggal di tempat yang berjauhan, namun atas sebab Islam, mereka disatukan dan dapat hidup secara aman dan sejahtera. Akhirnya mereka dapat bersama-sama Nabi membangunkan negara Islam Madinah yang hebat.

Allah SWT berfirman mengisahkan perihal golongan Muhajirin dan Ansar dalam Surah At-Taubah, ayat 100:

وَالسَّيِّقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ أَتَبْعَوْهُمْ بِإِحْسَانٍ
رَضِيَ اللَّهُ عَنْهُمْ وَرَضُوا عَنْهُ وَأَعْدَاهُمْ جَنَّتٌ تَجْرِي تَحْتَهَا الْأَنْهَارُ
خَلِيلِينَ فِيهَا أَبَدًا ذَلِكَ الْفَوْزُ الْعَظِيمُ



Maksudnya: Dan orang yang terdahulu yang mula-mula (berhijrah dan memberi bantuan) daripada kalangan Muhajirin dan Ansar, dan orang yang menurut (jejak langkah) mereka dengan kebaikan (iman dan taat), Allah reda akan mereka dan mereka pula reda akan Dia, serta Allah menyediakan untuk mereka syurga-syurga yang mengalir di bawahnya beberapa sungai, mereka kekal di dalamnya selama-lamanya; itulah kemenangan yang besar.

Sidang Jumaat yang diberkati Allah,

Terdapat banyak pesanan Rasulullah SAW yang menggambarkan Islam adalah agama yang menyatukan umatnya. Islam sangat menjaga hubungan sesama manusia sehingga umat Islam dilarang melakukan perkara-perkara yang dikira sebagai menzalimi orang lain. Perbuatan menzalimi orang lain seperti hasad, dengki, penipuan, benci-membenci dan seumpamanya boleh menjadi punca perpecahan dan merosakkan hubungan harmoni sesama insan. Sabda Rasulullah SAW:

لَا تَحَاسِدُوا، وَلَا تَنَاجِشُوا، وَلَا تَدَابِرُوا،
وَلَا يَعْبُغْ بَعْضُكُمْ عَلَى بَعْضٍ بَعْضٌ، وَكُونُوا عِبَادَ اللَّهِ إِخْوَانًا

Maksudnya: Janganlah kalian saling mendengki, melakukan penipuan, saling membenci, saling membelakangi dan jangan memintas jualan saudaranya. Jadilah kalian semua para hamba Allah yang bersaudara.

(Hadis riwayat Muslim)

Kesimpulannya, marilah sama-sama kita menyedari bahawa Islam adalah agama yang mementingkan keharmonian dan kesejahteraan. Rasulullah SAW telah menunjukkan contoh terbaik dalam usaha Baginda menyatukan umat Islam. Maka setiap umat Islam perlu meneladani setiap petunjuk yang dijelaskan oleh Rasulullah SAW serta meneruskan usaha dakwah Baginda bagi menyebarkan keindahan Islam.

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ فِي هَذَا الْكِتَابِ لِقَوْمٍ عَيْدِينَ ١٠٦
وَمَا أَرْسَلْنَاكَ إِلَّا رَحْمَةً لِلنَّاسِ ١٠٧

Maksudnya: Sesungguhnya al-Quran ini mengandungi keterangan-keterangan yang cukup bagi orang yang (cita-citanya) mengerjakan ibadat (kepada Allah dengan berilmu). Dan tiadalah Kami (Allah) mengutuskan engkau (wahai Muhammad), melainkan untuk menjadi rahmat bagi sekalian alam.

(Surah al-Anbiya', ayat 106-107)

بَارَكَ اللَّهُ لِيْ وَلَكُمْ فِي الْقُرْآنِ الْعَظِيمِ،
وَنَفَعَنِيْ وَإِيَّا كُمْ بِمَا فِيهِ مِنَ الآيَاتِ وَالذِّكْرِ الْحَكِيمِ،
وَتَقَبَّلَ مِنِّيْ وَمِنْكُمْ تِلَاقُتُهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيمَ لِيْ وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلّٰهِ رَبِّ الْعَالَمِينَ، وَأَشْهُدُ أَنَّ لَا إِلٰهَ إِلَّا اللّٰهُ وَحْدَهُ لَا شَرِيكَ لَهُ،
وَأَشْهُدُ أَنَّ سَيِّدَنَا مُحَمَّداً عَبْدُهُ وَرَسُولُهُ. اللّٰهُمَّ صَلِّ وَسِّلِّمْ وَبَارِكْ عَلَى
سَيِّدِنَا مُحَمَّدٍ وَعَلَى آلِهِ وَاصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللّٰهِ! اتَّقُوا اللّٰهَ فَقَدْ فَازَ الْمُتَّقُونَ.

مَعَاشِرَ الْمُسْلِمِينَ رَحْمَكُمُ اللّٰهُ،

Sidang Jumaat yang dikasihi.

Marilah kita bersyukur kepada Allah SWT kerana mengekalkan nikmat keamanan dan kedamaian dalam negara kita. Dalam masa sama, janganlah pula kita melupakan akan saudara kita di Palestin yang masih berada dalam keadaan sukar dan menderita, diancam perang dan huru-hara. Teruslah menyatakan sokongan dan kebersamaan kita untuk membebaskan bumi Palestin, khususnya masjidil Aqsa dari penjajahan Yahudi Laknatullah. Perbanyakkan doa ke hadrat llahi, memohon keselamatan rakyat dan negara Palestin. Hulurkanlah sumbangan melalui saluran-saluran yang diperakui kepada saudara kita di sana. Semoga dengan bantuan yang disalurkan dapat meringankan beban saudara kita di sana.

Begitu juga, marilah kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللّٰهَ وَمَلَكَيْ كَتَهُ يُصَلِّوْنَ عَلَى النَّبِيِّ يَتَأْمِهَا الَّذِينَ ءاَمَنُوا صَلَوْا عَلَيْهِ وَسَلَّمُوا تَسْلِيمًا

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ، إِنَّكَ حَمِيدٌ مَحِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمَنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُحِيبُ الدَّعَوَاتِ.

اللَّهُمَّ ادْفِعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرُفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَاجْنُونَ وَاجْدَامِ وَمِنْ سَيِّئِ الْأَسْقَامِ. اللَّهُمَّ اشْفِ مَرْضَانَا وَارْحَمْ مَوْتَانَا، وَالْطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاثِقَ بِاللَّهِ السُّلْطَانَ مِيزَانَ زَيْنَ الْعَابِدِينَ، ابْنَ الْمَرْحُومِ السُّلْطَانِ مُحَمَّدِ الْمُكْتَفِي بِاللَّهِ شَاهِ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورَ زَاهِرَةِ، سُلْطَانَةِ تَرَكَانُو.

وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَ الْعَهْدِ تَغْكُو مُحَمَّدَ إِسْمَاعِيلَ ابْنَ الْوَاثِقِ بِاللَّهِ السُّلْطَانِ مِيزَانَ
زَيْنَ الْعَابِدِينَ.

اللَّهُمَّ أَعِزَّ الْإِسْلَامَ وَالْمُسْلِمِينَ، وَأَذْلِّ الْمُعْتَدِلِينَ الظَّالِمِينَ، وَدَمِرْ أَعْدَائَكَ
أَعْدَاءَ الدِّينِ، وَانْصُرْنَا عَلَيْهِمْ يَا رَبَّ الْعَالَمِينَ. اللَّهُمَّ انْصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebijakan dan taqwa.

Ya Allah

Jadikanlah negeri ini negeri yang aman, maju lagi diberkati. Buka kakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa juu kemurkaan-Mu.

Ya Allah,

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتَنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عبد الله!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَاتِ وَيَنْهَا عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ
فَادْكُرُوا اللَّهَ الْعَظِيمَ يَذْكُرُكُمْ، وَاشْكُرُوهُ عَلَى نِعَمِهِ يَزِدُّكُمْ،
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.
قُومُوا إِلَى صَلَاتِكُمْ، يَرْحَمُكُمُ اللَّهُ.